

P R Æ F A T I O.

Duæ potissimum sunt stirpes regię, quæ poetis Indicis omnis ævi amplam suppeditarunt carminum materiam: quarum altera originem duxisse fertur a Sole, altera a Luna. Ex lunari stirpe nati erant quinque PANDUIDÆ, quos VYÁSAS celebravit in *Mahábhárato*; e solari RÁMAS, qui VÁLMÍKEM laudis prædicatorem nactus est. Longiorem regum a Sole oriundorum seriem, inde a DILÍPA usque ad AGNIVARNAM, celebrat carmen, quod hoc volumine continetur. Quod tum propter materiæ gravitatem, tum propter conditoris auctoritatem omnium, qui litteris Indicis operam dant, attentione dignum est. Compositum esse fertur a KÁLIDÁSA, neque, sive dictionis puritatem spectes, sive sententiarum sublimitatem, indignum illud judicare poteris *Sakuntalæ* auctore.

E COLEBROOKII dissertatione de poesí Sanskrita atque Prakrita notum est, *Raghuvansam* hodie etiam ab Indis inter præclarissima antiquitatis monumenta haberi, atque iis carminibus adnumerari, quæ carmina magna (महाकाव्यानि) appellantur. Hac appellatione quid significetur, in dubio mihi est. Etenim COLEBROOKIUS atque WILSONUS, nescio quam auctori-